

ավատատիրական հակասություններն ու պայքարը: Պատմիչի այդ տեղեկությունները ըննություն է առել ակադ. Ի. Զավախիշվիլին և այլ կերպ մեկնաբանել Գառնիի ճակատամարտում Իվանե աթաբեկի վարքագիծը: Գիտնականն անհավանական է համարում աթաբեկի զործողությունների նպատակադիր լինելը, քանի որ պարտության դեպքում հենց Իվանեն էր պատասխանատվություն կրելու: Պատմիչի «ասում են» արտահայտությունն վրա հենվելով, ուսումնասիրողը կարծում է, որ XIV դարում ապրած մատենագիրն օգտվել է հետագայում հորինված լուրերից: Ի. Զավախիշվիլին առավել հավանական է համարում այն, որ Իվանեն չի կարողացել ճիշտ կողմնորոշվել վճռական պահին և այդ պատճառով էլ անհրաժեշտ ժամանակ կռվի չի նետել իր հիմնական ուժերը²⁵:

Նախ՝ Իվանեի արարքի ոչ պատահական լինելու մասին: Վրաց պատմիչը իբրև փաստ է արձանագրում և ոչ թե ենթադրություն անում, որ Իվանեն դիտմամբ չէր ցանկանում օգնել իր առաջապահ ջոկատին: Հեղինակի «ասում են» արտահայտությունը վերաբերում է սոսկ այն հարցին, թե ինչու էր այդպես վարվում աթաբեկը, ամենևին իսկ կասկածի տակ չառնելով բուն իրողությունը²⁶: Աթաբեկի ռազմական սխալի մասին կարելի կլիներ խոսել, եթե նա շուտ կամ ուշ մարտի մեջ մտներ, սակայն նա գերադասել է ընդհանրապես կռվին չմասնակցել: Զե՞ որ Իվանեի համար միանշանակապես պարզ պետք է լիներ, որ Ախալցխեցի եղբայրների ջոկատը, որը, ըստ ալ-Բաղդադիի արժեքավոր վկայության, բաղկացած էր ընդամենը 7 հազար մարտիկից²⁷, ի վիճակի չի լինելու երկար ժամանակ դիմադրել բացահայտորեն գերակշիռ ուժեր ունեցող թշնամուն:

Պետք է մոռացության տալ ևս մեկ կարևոր հանգամանք. Իվանեն կարող էր և այդ պահին դեռևս չզգալ իր քայլի ճակատագրական լինելը, քանի որ, ինչպես ցույց է տվել Ի. Զավախիշվիլին, վրաց արքունիքում այն մտայնությունն էր տիրում, թե իրենք են հաղթել մոնղոլներին 1220—1221 թթ.,

²⁵ օ. Յ. Ջոջանովիչ, *Եզ. աշխ.*, էջ 52—53: Ինչպես երևում է, այս հարցում Ի. Զավախիշվիլու իրական կարծիքին անհաղորդ է մնացել Զ. Բունիաթովը, որն անհիմն հայտարարում է, թե ականավոր պատմաբանն ընդունում է Գառնիի ճակատամարտի պարտության պատճառների վերաբերյալ Վրաց ժամանակագրի բացատրությունը (ан-Насави, с. 363): Վրացագիտական նորագույն գրականությունում Զուլիչնիի տեղեկությունների հիման վրա Գառնիում պարտության հնարավոր պատճառ է ենթադրվում խորհրդյունների հանկարծակի գրոհը, սակայն, մյուս աղբյուրների ավելի մանրամասն նկարագրությունները, ինչպես տեսանք, ականատեսներն ցույց են տալիս, որ հայ-վրացական բանակի զորահրամանատարի համար Զալալ ադ-Դինի գործողություններն անակնկալ չեն եղել: Նշենք նաև, որ առաջապահ ջոկատին օգնության հասնելու խնդիրը Գառնիում այնքան ակններ է եղել, որ Իվանեի տարեց լինելու պարագայում անգամ փորձառու զորավարի համար այդ լիովին հասկանալի պետք է լիներ: «Վրաստանի պատմության ակնարկներում» Գառնիի պարտությունը նաև մասամբ Իվանեի ծեր լինելու հանգամանքով է բացատրվում («Եվրոպական ակադեմիայի հանձնարարություն» Թ. III, տժ., 1979, թ. 540):

²⁶ Գառնիի ճակատամարտի մասին Վրաց ժամանակագրի պատմաբան կարելի է հավատ ընծայել, քանի որ նա 1226 թ. մարտին Քբիլիսիի գրավման դեպքերը շարագրելիս օգտվում է «ոմն սղվխեցի արեղայից» («Վրաց ժամանակագրություն», էջ 66), հետևաբար, հնարավոր է Ախալցխեի իրադարձությունները ավանդելիս ևս ստուգապատում աղբյուր է ունեցել ձեռքի տակ:

²⁷ C. Cahen, *Եզ. աշխ.*, էջ 159: